

Në bazë të nenit 24, paragrafi (1), pika 1), nënpika 16) dhe nenit 149 të Ligjit të Energjetikës ("Gazeta Zyrtare e Republikës së Maqedonisë" nr. 96/18) dhe ("Gazeta Zyrtare e Republikës së Maqedonisë së Veriut" nr. 96/19) dhe nenit 8 të Rregullores së Formulimit të Çmimeve më të Larta të Shitjes me Pakicë të Derivateve të Ndryshme të Naftës dhe të Lëndëve Djegëse të Transportit ("Gazeta Zyrtare e Republikës së Maqedonisë së Veriut" nr. 108/20 dhe 133/20) dhe të Vendimit të Përcaktimit të Dendësisë së Përshkallëzuar  $\rho_e$  dhe Dendësisë së Pashkallëzuar  $\rho_d$ , të secilit derivat të naftës dhe të lëndës djegëse të transportit, shumës së kompensimit P për premi, shpenzimet e transportit T, te depozita në Republikën e Maqedonisë së Veriut dhe shumën e kompensimit D të shpenzimeve të punës, nëpërmjet depozitës dhe marzhës tregtare me shpenzime të përfshira të transportit nga depozita, te stacionet e benzinës dhe te konsumatorët e fundit ("Gazeta Zyrtare e Republikës së Maqedonisë së Veriut" nr. 253/20), Komisioni Rregullator i Energjetikës dhe i Shërbimeve të Ujit të Republikës së Maqedonisë së Veriut, në seancën e mbajtur më 22.02.2021, miratoi

**V E N D I M**  
**të përcaktimit të çmimeve më të larta të shitjes me pakicë të derivateve të naftës  
dhe të lëndëve djegëse të transportit**

**Neni 1**

(1) Çmimet më të larta të shitjes me pakicë të derivateve të naftës dhe të lëndëve djegëse të transportit janë:

- Benzinë motori - EUROSUPER BS – 95	-	64,50 (denarë/litër)
- Benzinë motori - EUROSUPER BS – 98	-	66,00 (denarë/litër)
- Naftë motori – EURODIZEL BS (D-E V)	-	55,00 (denarë/litër)
- Vaj për djegie – EKSTRA I LEHTË 1 (EL-1)	-	44,00 (denarë/litër)
- Mazut M-1 SU	-	34,759 (denarë/kilogram)

(2) Tregtarët me shumicë dhe pakicë të derivateve të naftës dhe të lëndëve djegëse të transportit, mund të formulojnë çmime edhe më të ulëta të derivateve të ndryshme të naftës dhe të lëndëve djegëse të transportit, se çmimet më të larta të përcaktuara sipas paragrafit (1) të këtij neni.

(3) Çmimet më të larta të shitjes me pakicë, të formuluar sipas paragrafit (1) të këtij neni, përveç çmimit të mazutit M-1 SU, vlejnë për franko stacionet e pompimit, ndërkaq çmimi i Mazutit M-1 SU vlen për deponime franko të tregtarit me shumicë të derivateve të naftës dhe të lëndëve djegëse të transportit brenda vendit.

(4) Te çmimet më të larta të shitjes me pakicë, të formuluar sipas këtij neni, përfshihet edhe tatimi i vlerës së shtuar sipas Ligjit të Tatimit të Vlerës së Shtuar.

## Neni 2

(1) Në çmimet më të larta të shitjes me pakicë të derivateve të naftës dhe të lëndëve djegëse të transportit, të përcaktuara sipas nenit 1 të këtij vendimi, janë përfshirë edhe çmimet më të larta të blerjes, të cilat arrijnë vlerën prej:

- Benzinë motori - EUROSUPER BS – 95	-	25,576 (denarë/litër)
- Benzinë motori - EUROSUPER BS – 98	-	27,196 (denarë/litër)
- Naftë motori – EURODIZEL BS (D-E V)	-	25,055 (denarë/litër)
- Vaj për djegje – EKSTRA I LEHTË 1 (EL-1)	-	24,749 (denarë/litër)
- Mazut M-1 SU	-	26,067 (denarë/kilogram)

## Neni 3

Në çmimet më të larta të shitjes me pakicë, të përcaktuara sipas nenit 1 të këtij vendimi, është përfshirë edhe kompensimi i shpenzimeve të punës, nëpërmjet depos dhe marzhës tregtare, që për Eurosuper BS-95 është 5,500 denarë/litër, për Eurosuper BS-98 është 5,324 denarë/litër, për Eurodzelin BS (D-E V) është 5,354 denarë/litër, për Vajin Ekstra të Lehtë 1 (EL-1) është 5,313 denarë/litër, ndërkaq për Mazutin M-1 SU, kompensimi është 2,500 denarë/kilogram.

## Neni 4

Çmimet më të larta të shitjes me pakicë, të përcaktuara sipas nenit 1 të këtij vendimi, me përjashtim të Mazutit M-1 SU, përfshijnë edhe kompensimin e shpenzimeve të transportit, nga depoja te pompat e benzinës, në vlerë prej 0,75 denarë/litër për të gjitha derivatet e naftës.

## Neni 5

Në çmimet më të larta të shitjes me pakicë, të vërtetuara sipas nenit 1 të këtij vendimi, është i përfshirë edhe kompensimi i financimit të aktiviteteve të fushës së mjedisit jetësor, që sipas nenit 184, paragrafi (2), nënpika 2) të Ligjit të Mjedisit Jetësor, e paguajnë tatimpaguesit e përcaktuar me këtë ligj:

- Benzinë motori - EUROSUPER BS – 95	-	0,080 (denarë/litër)
- Benzinë motori - EUROSUPER BS – 98	-	0,080 (denarë/litër)
- Naftë motori – EURODIZEL BS (D-E V)	-	0,030 (denarë/litër)
- Vaj djegieje – EKSTRA I LEHTË 1 (EL-1)	-	0,040 (denarë/litër)
- Mazut M-1 SU	-	0,050 (denarë/kilogram)

## Neni 6

Në çmimet më të larta të shitjes me pakicë, të përcaktuara sipas nenit 1 të këtij vendimi, është përfshirë edhe kompensimi i rezervave të detyrueshme të naftës dhe të derivateve të naftës, të cilin në pajtueshmëri me nenin 24, paragrafi (3) të Ligjit të Rezervave të Detyrueshme të Naftës dhe të Derivateve të Naftës, e paguajnë tatimpaguesit gjatë importit dhe/ose prodhimit të derivateve të naftës:

- Benzinë motori - EUROSUPER BS – 95	-	0,890 (denarë/litër)
- Benzinë motori - EUROSUPER BS – 98	-	0,890 (denarë/litër)
- Naftë motori – EURODIZEL BS (D-E V)	-	0,300 (denarë/litër)
- Vaj për djegje – EKSTRA I LEHTË 1 (EL-1)	-	0,300 (denarë/litër)
- Mazut M-1 SU	-	0,740 (denarë/kilogram)

## Neni 7

Në çmimet më të larta të shitjes me pakicë, të përcaktuara sipas nenit 1 të këtij vendimi, akcizat që i paguajnë tatimpaguesit në pajtueshmëri me rregullat e akcizave, kanë këtë vlerë:

- Benzinë motori - EUROSUPER BS – 95	-	21,865 (denarë/litër)
- Benzinë motori - EUROSUPER BS – 98	-	21,692 (denarë/litër)
- Naftë motori – EURODIZEL BS (D-E V)	-	15,121 (denarë/litër)
- Vaj për djegje – EKSTRA I LEHTË 1 (EL-1)	-	6,136 (denarë/litër)
- Mazut M-1 SU	-	0,100 (denarë/kilogram)

## Neni 8

Ky vendim hyn në fuqi ditën e miratimit të tij, ndërkaq do të fillojë të zbatohet nga ora 00:01 e datës 23.02.2021 dhe do të botohet në “Gazetën Zyrtare të Republikës së Maqedonisë së Veriut” dhe në faqen e internetit të Komisionit Rregullator të Energjetikës dhe të Shërbimeve të Ujit të Republikës së Maqedonisë së Veriut.

## Ar sy e t i m

**Me këtë vendim bëhet rritja e çmimeve të shitjes me pakicë të derivateve të naftës, për mesatarisht 1,28 %, në raport me çmimet e shitjes me pakicë të derivateve të naftës, të përcaktuara sipas vendimit të përcaktimit të çmimeve më të larta të shitjes me pakicë të derivateve të naftës dhe të lëndëve djegëse të transportit të Komisionit Rregullator të Energjetikës dhe të Shërbimeve të Ujit të Republikës së Maqedonisë së Veriut, të datës 15.02.2021.**

Çmimet referente të derivateve të naftës në tregun botëror, në krahasim me periudhën e kaluar shtatëditore, shënojnë rritje të benzina, mesatarisht 4,468 % ose 24,500 \$/tonelatë, të nafta ka rritje mesatarisht 2,983 % apo 14,750 \$/tonelatë, të vaji ekstra i lehtë ka rritje me një mesatare prej 3,177 % apo 15,400 \$/tonelatë dhe të mazuti ka rritje mesatarisht për 1,936 % apo 8,100 \$/tonelatë, për shkak se në strukturën e çmimeve të derivateve të naftës është bërë përshtatje përkatëse.

Kursi i denarit, në raport me dollarin në periudhën e kaluar shtatëditore, ka qenë 50,9674 den/\$ dhe është përafërsisht 0,23 % më i ulët se kursi i dollarit (51,0851 den/\$), sipas të cilit janë formuluar çmimet e përlogaritjes së mëparshme.

Duke e marrë parasysh ndikimin e këtyre elementeve në formulimin e çmimeve të derivateve të naftës sipas metodologjisë, **çmimet e shitjes me pakicë të derivateve të naftës, në përputhje me Metodologjinë e Formulimit të Çmimeve, rriten mesatarisht për 1,28 %.**

**Çmimet e shitjes me pakicë të benzinës EUROSUPER BS-95 dhe EUROSUPER BS-98 rriten për 1,00 denar/litër, në raport me çmimin e shitjes me pakicë të përcaktuar me vendimin e përcaktimit të çmimeve më të larta të shitjes me pakicë të derivateve të naftës dhe të lëndëve djegëse të transportit nga data 15.02.2021, kështu që çmimi i shitjes me pakicë i EUROSUPERIT BS – 95 është 64,50 denarë/ litër, ndërsa çmimi i shitjes me pakicë i EUROSUPERIT BS – 98 është 66,00 denarë/ litër.**

**Çmimet e shitjes me pakicë të EURODIZELIT (D-E V), dhe të VAJIT EKSTRA TË LEHTË PËR AMVISËRI (EL-1) rriten për 0,50 denarë/litër në raport me çmimet e shitjes me pakicë të përcaktuara me vendimin e përcaktimit të çmimeve më të larta të shitjes me pakicë të derivateve të naftës dhe të lëndëve djegëse të transportit nga data 15.02.2021, kështu që çmimi i shitjes me pakicë i EURODIZELIT (D-E V) është 55,00 den/litër, ndërsa çmimi i shitjes me pakicë i VAJIT EKSTRA TË LEHTË PËR AMVISËRI (EL-1) është 44,00 den/litër.**

**Çmimi i shitjes me pakicë i MAZUTIT M-1 SU rritet për 0,417 denarë/kg në raport me çmimin e përcaktuar me vendimin e përcaktimit të çmimeve më të larta të shitjes me pakicë të derivateve të naftës dhe të lëndëve djegëse të transportit nga data 15.02.2021, kështu që çmimi i shitjes me pakicë i MAZUTIT M-1 SU është 34,759 denarë/kg.**

Akcizat e derivateve të naftës, në të gjitha grupet e çmimeve të shitjes me pakicë, janë përcaktuar sipas rregullave të akcizës. Çmimet e shitjes me pakicë, të përcaktuara me këtë vendim, përmbajnë: kompensimin e financimit të aktiviteteve në fushën e mjedisit jetësor, që sipas Ligjit të Mjedisit Jetësor, e paguajnë tatimpaguesit e përcaktuar me këtë ligj dhe kompensimin e rezervave të detyrueshme të naftës dhe të derivateve të naftës, që sipas Ligjit të Rezervave të Detyrueshme të Naftës dhe të Derivateve të Naftës, e paguajnë tatimpaguesit e përcaktuar me këtë ligj, gjatë importit dhe/ose prodhimit të derivateve të naftës.

**Nr. 02-260/1**  
**15.02.2021**  
**S h k u p**

**Zëvendëskryetari i Komisionit  
Rregullator të Energjetikës dhe të  
Shërbimeve të Ujit të Republikës së  
Maqedonisë së Veriut**

**Enver Elmazi**